

Homines e feminas, bezzos e pizzinos,  
felizes d'essere a manu a manu  
buffende s'abba frisca  
accantu a su chelcu seculare  
chi nonnu haiada piantadu  
currende a cara a sole  
allegros senza dolore.

107

Fidi festa de natura  
cando s'olia fit fattende  
fiores de ghelu profumende  
cando no' baiada paura  
ma poi a die e die  
a ora a ora  
chin s'inquinamentu  
chi este enzende  
sa festa hada guastadu de natura.

Non pius nuraghes  
non pius domos antigas che un' ia  
non pius cregias seculares  
non pius arados chin semenes naturales  
solu fusiles e tritolo  
chi han fattu pianghere in medas tumbas.

In sa terra este naschida sa vida  
ma s'istoria nò este finida  
si puzzones olende, piantas creschende  
animales paschende  
su sole naschende idimus ancora  
s'isperanzia in chesu hada su coro  
de mannos e minores de natura.

LORENTINO DEBOMA  
NUORO